

Dabam Romae ex Collegio Germanico II. Nonas Januarias 1794.

J. Castillioneus Proton. Apost. Pœnit. Litterarum Corrector,
Congr. Immunit. Ecclesiast. & Indicis Consult. atque Boni
Regiminis à Secretis.

Superiori anno tertius prodit è typis Institutionum Canonarum Reverendissimi Episcopi Ananiensis liber de civilibus iudiciis. Quartum de iudiciis criminalibus, si per eos, ad quos pertinet, potestas fiat, quantotius evulgari, nihil est, quod prohibeat; & quarto hoc volumine aureum institutionum opus absolutum est. Id igitur unum nunc optandum restat, ut Cl. Vir majus illud opus, quo fusi res canonica universa, & uberioris illustranda est, patiatur exire in lucem: quod si fecerit, & is fidem suam, quam jamdiu obstrinxit, liberabit; & nihil nobis erit amplius, quod in hoc studiorum genere desideremus.

Romae ex Aedibus Magnae Curiae Inocentianae Kalendas Februarii MDCCXCIV.

N. Riganti Majoris Præsidentiæ Abbr.
& AG. in Civilibus Locumtenens.

Antequam dicant boni filii: concupiscentiam habemus dissolvi, & esse cum Christo: multi prius, tanquam mali servi, & quodammodo improbi fugitivi, ad Dominum suum temporalium flagellorum verbere revocantur. *S. AUGUSTINUS Ep. 185. ad Bonifacium c. 6. opp. tom. 2. col. 652. ed. Maurin. Venet. 1729.*

Si vult hæreticus non esse, neque audire, non isti, aut illi satisfaciat. . . . Festinet pro omnibus Sedi Romanae satisfacere; hac enim satisfacta communiter ubique omnes pium, & orthodoxum prædicabunt. *S. MAXIMUS MARTYR Ep. ad Petrum Illustr. opp. t. 2. pag. 76. edit. Combefis. Paris. 1675.*

L I B E R I V.

T I T U L U S I.

De Ecclesiæ in coercendis criminibus potestate.

- I. Pœnarum finis, & earum infligendarum potestas.
- II. Ecclesia pœnas irrogat in foro interiori, & exteriori.
- III. Poenarum infligendarum potestatem Ecclesia à Christo accepit, eaque Apostoli usi sunt.
- IV. Episcopi, etiam ethnicis dominantibus, hanc potestatem exercuerunt.
- V. Data Ecclesiæ pace, ejus potestas etiam Imperatorum legibus confirmata est.
- VI. Ecclesia quomodo in Clericos, & quomodo in laicos animadvertiscat?
- VII. Civilium, & Ecclesiasticarum pœnarum finis, & ratio.
- VIII. Ecclesiæ pœnæ spirituales, & temporales.
- IX. Judicia criminalia Ecclesiæ in Clericos, & in Laicos.
- X. Quomodo Clerici ab Ecclesia puniantur?
- XI. Quomodo Clerici ab Ecclesia laicæ Potestatis coercioni subjeciantur?
- XII. Partes ecclesiasticæ, & civilis potestatis.
- XIII. Potestas Ecclesiæ in personas clericorum.

§. I.

Malos male habendos, & eum, qui malum fecit, malum ferre debere, non solum civilis, sed etiam divini, ac naturalis juris docet auctoritas. Nam hoc modo, & ceteri à crimine deterrentur, & civium incolumitati consultur, & damnum, atque injuriam, quam quis suo scelere naturæ intulit, religioni, reipublicæ, quantum fieri potest, ipse emendat, & corrigit. Quare crimina sequuntur pœnæ, quibus improbi coercentur, salusque, & tranquillitas reipublicæ conservatur, easque infligit, cui publicæ salutis, & tranquillitatis cura, ac summa potestas commissa est. Non enim par in parem habet imperium, & jurisdictionem, per quam pœnam irroget; ac si lædens à læso punitur, non pœna hæc est, sed vindicta, si à tertio, non pœna, sed alia læsio, & injuria est. Neutrum vero fieri sinunt leges, quibus civiles hominum societas gubernantur (1).

(1) Puffendorfius de *Jur. nat. & gent.* l. 8. c. 3. §. 4. n. 3., & Heineccias *Elem. jur. nat. et gent.* l. 2. c. 8. §. 159. opp. t. 8. p. 214. ed. Neap. 1775.

§. II. Utraque potestas civilis, & ecclesiastica propriam habet, atque ab altera distinctam rempublicam, utraque suum habet imperium, & jurisdictionem, subditos, ex quibus res publica efficitur, res, quae ad eam pertinent, magistratus, quorum cura, administratione, auctoritate cuncta geruntur (1). Quare utraque punit maleficia; sed civili potestati unum est *forum*, idque exterius, ecclesiasticæ duplex, alterum *interius*, exterius alterum (2). Interioris fori potestatem Christus Ecclesiæ dedit his verbis (3): *quorum remiseritis peccata, remittuntur eis: quorum retinueritis, retenta sunt; potestatem fori exterioris his verbis expressit* (4): *si peccaverit in te frater tuus &c. dic Ecclesia, si autem Ecclesiam non audierit, sit tibi sicut ethnicus, & publicanus.* Quibus quidem verbis sacri interdicti, sive anathematis poenam, qua nulla gravior in Ecclesia coercitio est, contineri Patres docent.

(1) Confer quæ dixi in *Prolegomenis* c. 1. §. 6., et c. 2. t. 1. p. 6. et 16., et l. 3. tit. 1. t. 3. p. 2. et seq.

(2) *Nihil dubitandum est*, inquit Synodus Cameracensis tit. 14. c. 1. apud Labbeum t. 20. *Conc. ed. Ven. col. 1411.*, “duplex esse forum ecclesiasticum à Christo nomine clavum nobis insinuatum; alterum sacramenti poenitentiae, quod ad conscientiam spectat, in quo reus nominis, ex propria confessione solvit, & ligatur; alterum vero jurisdictionis, & regiminis externi, in quo reus non solum ex propria confessione, sed etiam per testes convincitur, & judicatur.” Mitto cetera testimonia quæ superiori loco descripsi.

(3) Joannes XX. 23.

(4) Matth. XVIII. 15. et seq. Huc etiam spectat illud Christi apud Lucam X. 16. qui vos audit, me audit, qui vos spernit, me spernit, quibus verbis jubendi, & coercendi potestas Apostolis tribuitur, atque ipsum Christum contumax pronunciatur, qui illorum mandatis non obtemperaverit. Pertinet etiam ad hunc locum potestas *pascendi*, hoc est regendi, ut ostendi in *Prolegomenis* c. 2. §. 18. not. 3. t. 1. p. 18., agnos, & oves, nimirum & pastores, & oves, ut observat S. Ambrosius l. 10. in *Lucam* n. 175. & seq. opp. t. 4. p. 265. seq. ed. Venet. 1781. & S. Bernardus de *Consider.* l. 2. c. 8. opp. t. 1. col. 428. ed. Mabillonii Paris. 1719., quam Christus contulit in Petrum, quem Ecclesia caput constituit, quemque omnibus dignitate, & jurisdictione praesesse voluit.

Præclare Bossuetius in sermone, quem de *Veritate Ecclesiæ* V. Ius Novembbris an. 1681. ad Collegas habuit, qui ad Comitia convenerant opp. t. 7. p. 473. ed. *Argentine* 1752. “C' est à Pierre, inquit, qu' il est donné... de patre, & de gouverner tout, & les brebis, & les peties, & les meres, & les pasteurs memes. Pasteur à l' egard des peuples, & brebis à l' egard de Pierre.” Par est ratio potestatis clavum, quæ primum uni Petro, cui omnes Christus subesse jussit, data est Matthæus XVI. 18. & 19., deinde & Petro, & ceteris Apostolis Matthæus XVIII. 18. Nihilotamen minus Ecclesiæ in coercendis criminibus potestati adversantur recentiores Protestantes, qui cum Ecclesiæ non veram, perfectamque rempublicam, sive, ut inquit, statum, sed Collegium esse defendant, ei licere negant in reos criminum poenis animadvertere. Ex eorum numero Bohemerus *Jur. Eccles. Protest.* l. 5. tit. 37. §. 16., Pfaffius de *Orig. jur. eccles.* p. 205. Ecclesiæ nullam propriam habere censem potestatem criminum constitutis poenis coercendorum; quod si qua ei facultas est animadvertisendi in illos, qui societatem perturbant, eam totam repetunt ex pacto vel expresso, vel tacito, quo quis in Collegium receptus est. Hinc si quid vitii in poenarum conventionalium irrigatione inesse videatur, rem omnem subjiciendam esse putant judicio civilis potestatis, cui collegium subest. Eadem est sententia Christiani Thomasii in *Dissert. de For. compet. cler.*, Moshemii, ceterorum Protestantum, qui Puffendorfii errorem sequuti Ecclesiæ merum collegium faciunt; quem quidem errorem refutavi in *Prolegomenis* c. 1. §. 6. & seq. t. 1. p. 6. & seq., & ante me multo uberioris, & luculentius refutavit doctissimus Mamachius Ep. 2. ad *Febronium* §. 6. & 7. p. 207. & seq. t. 1. Protestantibus præxit vetusta, eaque deterrima secta Catharorum, seu Puritanorum, qui ipsa Apostolorum ætate omni non solum ecclesiasticæ, sed etiam civili potestati obsistebant. Horum errores, ut observat Petavius de *Hierarch. eccles.* in *Præf. n. 3.* p. 52. t. 6. ed. *Ven.* 1757., instaurare visus est Salmasius, qui cum laicos omnes sacerdotes faciat, consequens est, ut nulla ab Episcopo poena infligi possit, neque ejus jurisdictione in coercendis criminibus sita sit. Inquit enim, Episcopos initio non fuisse magistratus, neque eos habere potestatem, & jurisdictionem, qua imperent, & invitatos, ac repugnantes ad parendum cogant. Catharos sequuti sunt alii hæretici in primis vero Marsilius Patavinus, & Joannes Jandunus, qui siæ Principis venia Ecclesiæ poenis coercere neminem posse existimabant. Horum errores condemnavit Joannes XXII. in *Const. Licet juxta doctrinam* apud Raynaldum ad an. 1327. n. 28. & seq. t. 24. *Annal.* p. 347. ed. *Lucæ.* Sed eos tamen in medium revocare ausus est Spalatensis Apostata de *Republ.* l. 5. c. 1. 2. 3. Joannes Morinus de *Admin. sacram. penit.* l. 1. c. 10. Ecclesiæ usque ad XI. aut XII. secundum tantum interioris fori judicio, & potestate criminis coercuisse putat, atque ad hoc tantum forum universam ipsius jurisdictionem referendam esse contendit. Cum Morino sentiunt Van-Espenius *Jur. eccles. part. 3.* tit. 4. c. 1., Giannonius *Histor. civil.* t. 1. l. 2. c. ult., Auctor libelli Ticini editi an. 1783. “Del diritto d' imporre gli' impedimenti dirimenti

¶ nel matrimonio, è di dispensarne t. 2. p. 125.⁽¹⁾ Cavallarius *Inst. Jur. can.* par. 3. c. 4. Verum non his omnibus eadem prorsus sententia est. Sunt enim qui sæculo XI., sunt qui serius, aut citius interius forum ab exteriori distingui coepisse arbitrantur; adeo incertum, controversumque est his magistris, & effectoribus epocharum, quod ipsis certum, atque exploratum esse deberet. Sed potestatem, quam habet Ecclesia, cogendi invitatos, & repugnantes, late explicarunt, ac vindicarunt Gersonius de *Potest. Eccles.* consid. 4. t. 2. opp. col. 230. ed. Antwerp. 1706., Herwarus, Petrus de Alliaco, Joannes Major, qui omnes de *Potestate Ecclesie* tractatus ediderunt, item Almaynus de *Antor. Eccles.* cap. 2. coroll. 3. & de *Potest. eccles. & laic.* qu. 3. cap. 2. *Adversus Salmasium* solide, graviterque disputat Petavius de *Hierarch. Eccles.* l. 3. c. 8. & seqq. opp. t 6. pag. 150. & seq. ed. Ven. 1757. Quæ Morinus falso statuit, quæque ejus exemplo litteris consignarunt Van Espenius, Litta, ceteri refutata sunt l. 3. tit. 1. fere per tot. Denique, ne omnes singillatim enumerem, de *Ecclesiæ* potestate copiose egerunt Dadinus Altaserra *Eccles. jurisd. vind. adver. Fevret.*, Hallier de *Hierarch. Eccles.* l. 4. art. 7. §. 1. & seq. p. 419. ed. Paris. 1656., Franciscus à Victoria in duabus relectionibus de *Potest. Eccles.*, Zacharias Boverius *Adversus de Dominis censur. parentet. de Rep. Eccles. par. 2. cens. in l. 1. c. 2. p. 127. & seq. ed. Mediolan.* 1611. Et novissime Cl. Franciscus Antonius Zaccaria in *Dissertatione 3. de Disciplina*, cui titulus "Comandi chi puo, ubbidisca chi dee" Faventiae edita p. 152. seq. Videndum est etiam Petit-Piedus "Traité du droit, & des prerogatives des Ecclesiastiques dans l' administration de la justice seculiere." Quin saniores quoque Protestantes Ecclesiam in coercendis criminibus potestatem habere non inficiantur, atque eorum è numero sunt Basnagius *Annal. Eccles.* t. 2. *Dissert. 4. de Eccles. tribum.* §. 1. p. 491. ed. Rotterdam 1706., Beveregius *Prolegom. ad synod. seu Pandectas Canonum n. 2. seq. t. 1. p. 1. seq. ed. Oxonii* 1672.

§. III. Atque hanc quidem à Christo acceptam potestatem infligendi poenas tum in interiori, tum in exteriori foro Apostoli & verbis, & factis ostenderunt. Præsertim Paulus, cuius plura extant scripta, quam aliorum Apostolorum, in Paulum, atque Alexandrum (1), itemque in Corinthium incestus in novercam reum animadvertisit (2), quem postea, cum resipisset, poena solvit, atque ecclesiæ communioni restituit; *Virgam* minatur (3), negat se parciturum, si venire cogatur (4), acceptam à Christo potestatem ostendit, per quam ulcisci possit omnem inobedientiam, & se durius acturum profitetur adversus eos, qui sibi non obediant (5). Ipse Paulus Episcopum docet, quemadmodum accipere debat accusationes, quæ contra Presbyterum deferuntur (6).

(1) *I. ad Timot. I. 20., et II. ad Timot. IV. 15.*

(2) *I. ad Corint. I. 5. et seq., et II. ad Corint. II. 6. et seq.*

(3) *I. ad Corint. IV. 21.*

(4) *II. ad Corint. XIII. 2.*

(5) *II. ad Corint. X. 6. et seq. II. ad Thessalon. III. 14.* Confer quæ dixi l. 3. tit. 1. §. 10. et seq. t. 3. p. 11. et seq.

(6) *I. ad Timot. V. 10.*

§. IV. Exemplo Apostolorum Episcopi eamdem semper, quoties opus fuit, potestatem exercuerunt. Quod non solum Constantino Imperatore, & quarto post Christum natum sæculo, quo tempore Christiana religio in Imperio dominari coepit, sed etiam prioribus sæculis factum est. Nam eo temporis intervallo Victor Summus Pontifex in Theodororum Byzantium Coriarium animadvertisit, & coercuit Asianos, qui ipsa luna XIV., Hebræorum more, pascha celebrabant. Similiter à Presbyteratus gradu dejectus, ac censurarum poenis affectus est Marcio; Paulus Samosatenus de Episcopatu dimotus, atque ab Ecclesia ejectus; sumpta poena de Novato, & Felicissimo, de Basilide Asturicensi, & Martiale Emeritensi, de Origine, de ceteris, qui in religionem peccaverant. Atque hi quidem omnes non poenas sua sponte suscepserunt, sed eas Ecclesiæ lege, & imperio sustinere coacti sunt (1).

(1) Quam ægre tulerit depositionis sententiam Marcio, & quantum laborarit; ut gradum suum recuperare posset, narrat S. Epiphanius *Hæres.* 22. vel 42. n. 1. p. 302. t. 1. ed. Colonia 1682. Paulus Samosatenus tam audacter, & pertinaciter restitit sententia depositionis, quæ adversus eum lata fuerat, ut Christiani Antistites rogarint ipsum Aurelianum Imperatorem, qui eum ex domo Episcopali per vim expelleret. Imperator autem, licet ethnicus, sententiam tulit, qualem Christianus Imperator ferre potuisse; nam legem dicit, ut domus tradetur iis, quibus illam Christianæ Religionis Antistites, & Romanus Episcopus concedendam indicarent; quæ cuncta constant ex Eusebio *Histor. eccles.* l. 7. c. 30. p. 364. ed. Valesii Cantabrig. 1720. Theodoreto *Hæret. fabul.* l. 2. c. 8. p. 223. t. 4. opp. ed. Paris, 1642. Similiter quam ægre Novatus, & Felicissimus, itemque Basiliides Asturicensis, & Martialis Emeritensis contra se latam sententiam tulerint, quantumcumque laborarint, ut ejus vim declinare possent, ostendunt S. Cornelius *Ep. ad S. Cyprianum*, quæ inter Cypriani epistolæ est 50., ac Cyprianus *Ep. 52. ad Cornel.* & *ep. 59. p. 236. 237. & 265. ed. Amstelædami* 1700. Origines autem de se ipso pe-

monstrat, quam ægro, & invito animo Demetrii Episcopi sententiae parere debuerit in *Præfat.* t. 6. in *Joan.* t. 4. opp. p. 101. ed. *Paris.* 1759., qua de re vide etiam *Coustantium in Ep. Roman. Pontif.* col. 115. & seq., Confer præterea eumdem *Cyprianum ep. 3. ad Rotgatian.* p. 172., et ep. 43. ad *Plebem* p. 227. unde intelligis, quemadmodum Episcopi punire sonte possint. Mitto cetera, ne longus sim.

§. V. Data Christianis s. pace, non solum suo jure, sed etiam legibus Imperatorum (1), Ecclesia de criminibus judicavit. Atque hæc quidem judicia non tantum erant de criminibus in religionem (2), sed & omnes comprehendebant causas, in quibus Clerici aliquo in rem publicam crimine arguebantur (3). Potestatem illam cognoscendi puniendique crimina in religionem à Christo nominatim accepit Ecclesia, in quam ipse contulit clavum potestatem, & cuius unius esse voluit curare omnia, quæ ad res sacras, aut divinas pertinent. Quare quisquis inter Ecclesiæ filios per Baptismum cooptatus in ea peccat, quæ unius Ecclesiæ gubernio, curæ, judicio commissa sunt, is omnino illius potestatem, & animadversionem subire debet, ac si ejus decreto non sterterit, Christi jussu, tamquam ethnicus, & publicanus habendus est (4): nimirum ei sacris est interdicendum, & communione Christianorum.

(1) Vide Constantini constitutionem *Extravag. cod. Theod. de episc. judic.*, de qua late egi l. 3. t. 1. §. 22. not. 4. t. 3. p. 29. et seq., Item l. 12. 41. 47. cod. *Theod. episc. Eccles.*, et *Cleric. Justiniani Novellam* 83., *Capitularia Caroli M.* l. 5. cap. 398. et 390. l. 7. C. 347. et 436. t. 1. col. 604. 606. 735. 750. ed. *Baluzii Ven.* 1772., & alibi passim.

(2) De rebus, quæ ad religionem pertinent, omne judicium unius Ecclesiæ esse, nulla est, & nulla unquam fuit inter catholicos controversia. Nam tota hæc potestas, & gubernatio uni Ecclesiæ à Christo data nominatim est; & huc spectant Concilia quavis ætate habita ad fidem, ac disciplinam stabilendam, hereticosque condemnandos, huc similiter constitutiones, quas Romani Pontifices, quoties opus fuit, ediderunt. Confer docissimum Mamachium ad *Auctorem op. Quid est Papæ?* ep. 3. t. 1. p. 237. seq., & confer etiam quæ ipse scripsi l. 3. tit. 1. §. 8. tom. 3. p. 55. et seq.

(3) Auctor constit. *Apostolic.* l. 2. c. 47., Canon Apostolorum 66. apud *Cotelerium PP. Apostolic.* t. 1. p. 257. et 451. ed. *Amstelæd. 1724.*, Concilium Elberitanum can. 74., ibique *Albæpinus in Not.* p. 184. ed. *Neap.* 1770., Antiochenum can. 12. 14. 15. apud *Labbæum concil.* t. 2. col. 595. ed. *Ven.* *Carthaginense III.* can. 9;

& *Carthaginense III. can. 2. eod. t. 2. col. 1401. et 1454. Toletanum III.* can. 13. t. 6. col. 700., *Matisconense an. 580. can. 8. et 32. t. 6. col. 662. et seq. ejus collect.* *Labbæi.* Confer etiam *Optatum Milevitum l. 1. contr. Parmenian.* n. 22. et 23. p. 22. 23. ed. *Antwerp.* 1702., *Ruffinum Histor.* l. 10. seu l. C. 2. col. 217. ed. *Vallarsii Veron.* 1745., qui refert ea de re præclaram Constantini Imperatoris sententiam; *Luciferum Calaritanum l. 1. pro S. Athanas. adv. Constantium in Biblioth. PP.* t. 4. p. 184. lit. G. ed. *Lugdun.* 1677. *Constantinum Imp. ep. ad Pop. Alexandr.* apud *Athanasiū Apol.* 2. *contr. Arian.* n. 62. opp. t. 1. p. 142. ed. *Patavii 1777.*, *Ambrosium in Act. conc. Aquilejen.* opp. *Ambros.* t. 5. p. 511. ed. *Ven.* 1781., et ep. 21. ad *Valentinian.* ep. 56. ad *Theophil.* t. 6. p. 52. et p. 184., *Martinum apud Sulpitium Histor.* l. 2. C. 50. t. 2. p. 263. ed. *Veron.* 1754., *Gregorium M. ep. 56. ad Joannem ep.* l. 2. opp. t. 2. c. 667. ed. *Paris.* 1705., et in can. 39. et 40. caus. II. qu. 1., *Hilarium ad Constant.* l. 1. n. 1. col. 535. t. 2. opp. ed. *Veron.* 1730. *Athanasiū in Hist. Arianor. ad Mon.* n. 52. opp. t. 1. p. 297. ed. *Patav.* 1777., *Osim ad Imper. Constanti.* apud *Athanasiū Hist. Arian.* ad *Monach.* t. 1. p. 293. ed. *Patav.* cit., *Libelium ep. ad Euseb.* apud *Constantium epist.* *Pont. Roman.* col. 431., et in *Dialog. cum Constantio* apud eumdem n. 1. col. 434., *Ipsi etiam Ariani Principes* hanc Ecclesiæ jurisdictionem in causis civilibus, & criminalibus agnoverunt. Nam Theodosius Gothorum Rex calumniatores Augustani Episcopi, quoniam erant clerici, ad Mediolanensem Episcopum judicandos misit apud Cassiodorum l. 1. t. 1. ep. 9. p. 7. ed. *Rotomagi* 1679. Romanosque clericos actione tum civili tum criminali apud *Romanum Pontificem*, vel judicem ab eo datum pulsari voluit Athalaricus apud eumdem Cassiodorum l. 8. t. 1. ep. 24. p. 136. ed. cit. Quod si aliquando clerici apud laicos judices propter crimen accusati sunt, id quidem injuria, ac per vim factum est; qui etiam interdum clerici à laica potestate auxilium petierunt, non ut ipsa judicium ferret, sed ut alienam temeritatem vi adhibita coereceret, atque ut repugnantes ad parentum Ecclesiæ sententiis cogeret. Constantinus Imperator exilio multavat S. Athanasiū propterea quod eum ecclesiastico judicio damnatum putavit, cui se parere oportere intellectus, sicusti testatur *Sozomenus Histor. eccles.* l. 2. c. 28. p. 84. ed. *Valesii Cantabrig.* 1720. Verum ipse ecclesiastico judicio habito Antiochiae, Romæ, Sardicæ absolutus fuit, quod ipse Athanasius *Apolog. contr. Arian.* in princ. opp. t. 1. p. 97. et 98. ed. *Patavii cit.* satis esse docet, ut omnis controversia plane finita habeatur. Crimen autem Athanasio objectum non ecclesiasticum, sed lœsa majestatis erat, in quod præ ceteris Imperator attinadvertisendum putarat. Non esse longus in recentibus exemplis, quorum ecclesiasticae historie plenæ sunt. Tantum indicabo judicium, quod sanctissimi Episcopi dederunt de Itacito, qui accusations adversus Priscilianum, & Instantium ad latum Principem detulerunt. Porro cum gravissime iniptabarunt S. Martinus Turonensis